



Білімдіге дүние жарық...

Тұңғыш Президентіміздің «Болашаққа бағдар: рухани жаңғыру» атты бағдарламалық мақаласы – мемлекетіміздің жаһандану заманында жұтылып кетпей, ұлттық генетикалық кодымызды сақтай отырып жаңғыруға жол сілтейтін бағдаршамы. Бәсекеге қабілетті ұлт болу үшін болашаққа қалай қадам басып, рухани тұрғыдан қалай жаңғыру қажеттігі мақалада нақты көрсетілген.

Тұтас қоғамның және әрбір қазақстандықтың санасын жаңғыртуға бағытталған мақалада Елбасы сананы дамытудың негізі ретінде алынған алты бағытты көрсетеді. Бұл бағыттар – бәсекелік қабілеттілік, праг-

матизм, ұлттық бірегейлікті сақтау, білімнің салтанат құруы, Қазақстанның революциялық емес, эволюциялық дамуы және сананың ашықтығы.

«Білімнің салтанат құруы» деп аталатын төртінші тарауында көрсетілген міндеттер бүгінгі күннің басты талабы деп санаймын. Қазақстанның болашағы, бүгінгі жас буын өкілдеріне қажетті бағдар – терең білімді, ағылшын тілін меңгеру, кәсіби мамандық алып шығу. Әлемдік стандарттарға білім беру жүйелерін қалыптастырмай, әлемдегі ең озық мемлекеттердің қатарына қосылу еш мүмкін емес. Бұл ретте жаһандық жаңа қатерлерге қарсы адами капиталды да сапалы дамыту қажет. Ал, адами капиталдың өзегі – білім. Сондықтан да

Елбасының бұл басымдық бойынша білім саласы қызметкерлеріне қойып отырған талабы – жаңа оқыту әдістері мен тәсілдерін меңгере отырып халықаралық стандарттар деңгейіне сай білім беру.

Сондықтан да мақаладағы білім және тәрбиеге қатысты талаптар ел азаматтарына, әсіресе, жастарға үлкен міндеттер жүктеп отыр. Мақаладағы «Табысты болудың ең іргелі, басты факторы – білім екенін әркім терең түсіну керек. Жастарға басымдық беретін межелердің қатарында білім әрдайым бірінші орында тұруы шарт. Құндылықтар жүйесінде білімді бөрінен де жоғары қоятын ұлт қана табысқа жетеді» деген пайымды пікір әрбір адамның өмірлік аксиомасына айналуы тиіс. Сонымен қа-

тар еліміздің білім беру жүйесіндегі реформалар, өзгерістер мен жаңалықтар әрбір азаматтың ойлауына, өткені мен бүгіні, келешегі мен болашағы жайлы толғануына, жаңа идеялармен, жаңа жүйелермен жұмыс істеуіне негіз болады деп үміттенеміз.

А.БАЛАБЕКОВ,
М.Әуезов атындағы ОҚУ-дың
«Дене тәрбиесі теориясы мен
әдістемесі» кафедрасының доценті,
педагогика ғылымдарының
кандидаты.

А.СЕҢКЕБАЕВА,
«Биология және география»
кафедрасының доценті, биология
ғылымдарының кандидаты.